


Alkitab Buat Bocah Nampilin



Raja Salomo
Nyeng Arif



Nyeng nulis: Edward Hughes

Nyeng bikin gambar: Lazarus
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Raja Daud itu seorang anak Tuhan nyeng hebat. Selama pemerentahannya, Israel tumbuh sepuluh kali lebih gede dari kerajaan Raja Saul. Tapi sekarang dia

kaga bisa merentah lebih lama. Daud udah tua. Dan cape! Dan sakit! Idupnya di dunia tinggal sebentar lagi.







Satu dari anaknya Daud nyeng laki-laki, nyeng namanya Adonia, bilang sama orang-orang Israel kalo dia sekarang bakalan jadi raja. Meski arti namanya "Tuhanku ialah Allah", Adonia itu bukan anak nyeng bae. Dia berusaha nyolong tahta, tau kalo Daud udah begitu lemah buat ngebrentiin dia. Tapi Tuhan punya rencana laen!




Batsyeba, bininya Daud tau kalo Salomo anak laki-lakinya, nyeng bakalan jadi raja. Dia bilang sama Daud soal rencana Adonia. Meski dia sakit, Daud ngumpulin para pemimpinnya dan ngumumin kalo dia bakalan ngejadiin Salomo jadi raja Israel.



Salomo kaga dapet masalah ngadepin Adonia, karena orang-orang Israel percaya sama Daud. Daud bilang sama mereka kalo Salomo itu nyeng dipilih Tuhan buat jadi raja mereka. Pas sesudahnya pengangkatan itu, Daud mati.





Sebelum Daud mati, dia bilang sama Salomo supaya ia nurut sama Tuhan dan jadi seorang raja nyeng bae. "Kerjain tugasmu dengan setia buat Tuhan, Allahmu, pake idup nurutin jalan nyeng ditunjukin-Nya," bilang Daud pada anaknya. Itu jadi satu petuah nyeng paling bae! Lantas Salomo duduk di atas tahta Daud, bapanya, dan kerajaannya sangat kuat.



Satu malem Salomo ngimpi. Di ngimpinya,
Tuhan muncul di depannya dan
berkata "Minta apa
nyeng pengen
Kukasih
kepadamu."
Kalo itu
terjadi sama
kamu, apa
nyeng
bakalan
kamu
minta?



Salomo cuman minta kearifan buat jadi raja nyeng bae. Permintaan raja muda itu nyenengin ati

Tuhan. Salomo ngedapetin apa apa nyeng dia minta, tapi Tuhan juga ngejanjin kekayaan nyeng gede ama kehormatan kepadanya.




Kaga pake waktu lama bagi aorang-orang buat nemuin kearifan Salomo. Satu ari, dua orang emak-emak dateng kepadanya, sama seorang orok. "Pada satu malem



anak perempuan ini mati, dan dia nuker anaknya nyeng mati sama anakku nyeng idup," salah satu perempuan itu bilang. "Bukan! Anakmu nyeng mati dan anak aku nyeng idup," saut perempuan nyeng laen. Gimana raja bilang nyeng mana ibu nyeng bener dari orok itu?



Lantas raja bilang, "Ambilin aku pedang." Lantas mereka ngebawa sebuah pedang ke depan raja. Apa nyeng kamu pikirin soal rencana raja sama pedang itu?



Dan raja bilang, "Tebas anak nyeng idup itu jadi dua dan kasih setengahnya kepada nyeng satu dan nyeng setengahnya lagi kepada nyeng laen." Lantas emak dari orok nyeng idup itu bilang, "Ya tuanku! Kasihin aja buat dia orok nyeng idup itu, jangan pernah ngebunuh dia."



Tapi nyeng laen lagi bilang, "Biar kaga buatmu atawa juga buatku, tebas aja!"







Lantas raja bilang, "Kasihin
kepadanya orok nyeng idup itu,
jangan pernah ngebunuh dia; dia
itu emaknya." Semua orang
Israel ngedenger keputusan itu,
dan mereka ngasih hormat nyeng
luar biasa sama sang raja.
Mereka ngeliat kearifan
dari Tuhan ada sama-sama
dengannya.



Orang-orang Israel kaga punya rumah buat memuji Tuhan. Pas Daud ngerencanain mau ngebangunnya, Tuhan bilang, "Anakmu nyeng bakal ngediriin rumah itu bagi namaKu." Lantas Salomo mulain ngediriin satu




rumah nyeng indah di Yerusalem.



Butuh waktu tujuh taun
buat ngebangun rumah
itu. Tapi ari besar itu
sampe dimana semua
orang pada ngumpul
bareng buat
ngedengerin
Salomo


ngasih sesembahan
rumah itu buat Tuhan.




Seabis sembahyang
nyeng luar biasa itu,
sang raja ama semua
penduduk dengan girang
ngasih sesembahan



rebuan korban sembahan
ama ngadain pesta nyeng
gede selama dua ari.




Abis itu, Tuhan muncul
lagi kepada Salomo dan
janji bakal ngeberkatin
dia ama Israel selama
mereka nurut sama Tuhan.




Sedih banget, termasuk Salomo atawa orang-orang Israel laennya kaga selalu nurut sama Tuhan. Sang raja ngawinin banyak perempuan nyeng kaga Tuhan pengen dikawinin sama Salomo. Bini-bininya nyeng kafir ini ngebalikin atinya kepada berhala-berhala; dan atinya kaga setia sama Tuhan Allahnya, kaya ati Daud bapanya.



Pas Salomo ngebuang kesempatannya buat nurut sama Tuhan, salah satu tentaranya nyeng namanya Yerobeam punya satu pengalaman nyeng aneh.



Seorang nabi bilang kepadanya Tuhan bakal ngebagi kerajaan Salomo dan Yerobeam bakal merentah atas sepuluh dari dua belas suku. Lantas Yerobeam minggat ke mesir. Dia tau Salomo bakalan ngebunuh dia kalo ia masih netep di situ.





Akhirnya Salomo mati.
Anaknya Rehabeam, matok
pajeg lebih berat dari pada
nyeng dibuat bapanya.
Sepuluh suku ngebrontak
dan milih Yerobeamjadi
pemimpin mereka. Kerajaan
Salomo nyeng gede tebagi
dua, kaya nyeng
dibilang oleh nabi
Tuhan. Tuhan kaga
ngeberkatin nyeng
kaga nurut.



Raja Salomo Nyeng Arif

Sebuah cerita dari perkataannya Tuhan, Alkitab

Ditemuin di

1 Raja-raja 1-12

"Palang pintu Firman Engkau ngasih terang."
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

